

RESOLUCIÓN

ASUNTO: BASES ANTROIDO 2019

EXPEDIENTE: 2019/G003/000072

ANTECEDENTES:

En relación as bases do concurso de disfraces do Entroido 2019 presentadas polo Departamento de Cultura e que din o seguinte:

As bases polas que se rexerá o concurso de disfraces Entroido Brión 2019 son:

PRIMEIRA:

Poderán participar tódalas asociacións, comunidades, colectivos e persoas interesadas, sempre e cando cumpran os requisitos establecidos.

As persoas menores de idade terán que participar baixo a responsabilidade dunha persoa adulta, que ostentará a súa representación para todos os efectos que se deriven deste concurso.

SEGUNDA:

O Concurso de Disfraces Entroido Brión 2019 terá lugar o domingo día 10 de marzo. As actividades previstas comezarán ás 16:30 horas cun desfile de todos os participantes dende a Carballeira de Santa Minia ata o Pavillón Polideportivo Municipal.

Os participantes no concurso deberán presentarse na Carballeira de Santa Minia unha hora antes do desfile para recoller os seus dorsais.

TERCEIRA:

Quedan establecidas as seguintes categorías para a participación no concurso:

1. Categoría Infantil (participantes ata 11 anos). Modalidade individual e Modalidade de parellas.
2. Categoría Xuvenil (participantes de 12 a 17 anos). Modalidade individual e Modalidade de parellas
3. Categoría Adultos (participantes de 18 anos en diante). Modalidade individual e Modalidade de parellas
4. Categoría Grupos: grupos compostos por un mínimo de 3 persoas e un máximo de 9. Modalidade Infantil/Xuvenil: grupos compostos integramente por rapaces/zas de ata 17 anos. Modalidade Adultos: grupos compostos por participantes de 18 anos en diante.
5. Categoría Comparsas: grupos compostos por un mínimo de 10 persoas.

NOTA: un mesmo grupo de participantes non poderá presentarse en dúas categorías. Aqueles concursantes que participen acompañados de calquera tipo de estrutura deben ter en conta que esta ten que estar adaptada ó percorrido e ás características das diversas infraestruturas nas que se desenvolve o concurso.

CUARTA:

O prazo de inscrición será dende o día 18 de febreiro ata o 7 de marzo. A mesma poderá realizarse persoalmente na Casa da Cultura ou por teléfono no número 981 509 908, de luns a venres en horario de 9:00 a 14:00. Nas inscricións (excepto persoas físicas maiores de idade), teñen que nomear un representante, do que aportarán nome completo, NIF e teléfono de contacto, quen ha de asinar a solicitude e aportar a documentación administrativa que se require para efectuar o pago dos premios.

QUINTA:

O tempo de representación para individuais e parellas será de 2 minutos como máximo. Os grupos terán un tempo de representación de 4 minutos e as comparsas poderán actuar un máximo de 6 minutos. No momento en que estes tempos se sobrepasen a música será cortada.

A música que acompañe ás actuacións de cada grupo debe ser entregada á organización en formato cd de audio ou mp3 ata o 7 de marzo.

Queda totalmente prohibida a utilización de animais e de efectos especiais (lume, fume, etc.) que non teñan sido autorizados pola organización.

SEXTA:

Haberá os seguintes premios por categoría:

1. Categoría Infantil (ata 11 anos):

Modalidade Individual

1º Premio: Vale de 50,00 € canxeable en libros, xogos ou material escolar.

2º Premio: Vale de 40,00 € canxeable en libros, xogos ou material escolar.

3º Premio: Vale de 30,00 € canxeable en libros, xogos ou material escolar.

Modalidade Parellas

1º Premio: Vale de 70,00 € canxeable en libros, xogos ou material escolar.

2º Premio: Vale de 60,00 € canxeable en libros, xogos ou material escolar.

3º Premio: Vale de 50,00 € canxeable en libros, xogos ou material escolar.

2. Categoría Xuvenil (de 12 a 17 anos):

Modalidade Individual

1º Premio: Vale de 50,00 € canxeable en libros, xogos ou material escolar.

2º Premio: Vale de 40,00 € canxeable en libros, xogos ou material escolar.

3º Premio: Vale de 30,00 € canxeable en libros, xogos ou material escolar.

Modalidade Parellas

1º Premio: Vale de 70,00 € canxeable en libros, xogos ou material escolar.

2º Premio: Vale de 60,00 € canxeable en libros, xogos ou material escolar.

3º Premio: Vale de 50,00 € canxeable en libros, xogos ou material escolar.

3. Categoría Adultos (de 18 anos en diante):

Modalidade Individual

1º Premio: 100,00 €

2º Premio: 70,00 €

3º Premio: 40,00 €

Modalidade Parellas

1º Premio: 140,00 €

2º Premio: 100,00 €

3º Premio: 60,00 €

4. Categoría Grupos (3 a 9 persoas):

Modalidade Infantil/Xuvenil

1º Premio: 140,00 €

2º Premio: 100,00 €

3º Premio: 70,00 €

Modalidade Adultos

1º Premio: 180,00 €

2º Premio: 140,00 €

3º Premio: 100,00 €

5. Categoría Comparsas (10 ou mais persoas):

1º Premio: 260,00 €

2º Premio: 225,00 €

3º Premio: 175,00 €

4º Premio: 150,00 €

5º Premio: 100,00 €

Os premios faranse efectivos por transferencia bancaria, no número de conta que indiquen na solicitude, na semana posterior ao concurso. Aos que superen os 300 € aplicaráselle a correspondente retención, segundo o regulamento do IRPF.

De conformidade co artigo 11 da Lei Xeral de Subvencións poderán acceder á condición de beneficiario as agrupacións de persoas físicas ou xurídicas, públicas ou privadas, as comunidades de bens ou calquera outro tipo de unidade económica ou patrimonio separado que, aínda carecendo de personalidade xurídica, poidan levar a cabo a devandita actividade.

Cando se trate de agrupacións de persoas físicas ou xurídicas, públicas ou privadas sen personalidade, deberán facerse constar expresamente, tanto na solicitude como na resolución de concesión, os compromisos de execución asumidos por cada membro da agrupación, así como o importe de subvención a aplicar a cada un deles, que terán igualmente a consideración de beneficiarios. En calquera caso, deberá nomearse un representante ou apoderado único da agrupación, con poderes bastantes para cumprir as obrigacións que, como beneficiario, corresponden á agrupación. Non poderá disolverse a agrupación ata que transcorrese o prazo de prescrición previsto nos artigos 39 e 65 desta lei. No caso de non especificar o reparto de compromisos entre cada membro e o importe da subvención a aplicar a cada un deles imputaráselle todo ó representante.

SÉPTIMA:

Será obrigatorio participar no desfile que sairá da Carballeira de Santa Minia percorrendo diversas rúas ata o Pavillón Polideportivo Municipal para formar parte do concurso de disfraces.

Será a organización do concurso a que determine si se suspende ou non por causas alleas ao mesmo.

Os participantes deberán levar visible en todo momento o dorsal entregado por orde de inscrición pola organización.

OITAVA:

A selección e comunicación dos gañadores será o mesmo día do concurso segundo valoración dun xurado composto por cinco membros designados para tal fin. A decisión do xurado será inapelable.

Valorarase a creatividade e orixinalidade, a calidade do traballo dos disfraces e dos complementos e a súa laboriosidade, a caracterización dos seus compoñentes, a posta en escea durante o desfile, así como o lucimento e representación da mesma no escenario do Pavillón Polideportivo Municipal.

O xurado poderá declarar deserto un ou máis premios, no caso que ningún dos disfraces reúna os méritos suficientes.

O xurado e a organización resérvanse o dereito de resolver as dúbidas que se presenten e tomar os acordos necesarios para a boa orde do concurso en todo o non previsto nestas normas.

NOVENA:

O Concello de Brión non se fai responsable dos danos morais ou materiais que, a si mesmos ou a terceiros, ocasionen os participantes deste concurso de disfraces Entroido de Brión 2019.

DÉCIMA:

De conformidade co establecido na Lei Orgánica 15/1999, de Protección de Datos de Carácter Persoal, o Concello de Brión incorporará os datos facilitados polos participantes aos ficheiros de datos de carácter persoal desta institución.

O Concello de Brión poderá realizar tratamento informatizado, ou non, de todos os referidos datos de carácter persoal, directamente coas seguintes finalidades:

- (I) Publicar na revista Altamira e nas páxinas web do concello a relación de participantes e premiados neste concurso.
- (II) Utilizar ditos datos en prensa, televisión, radio ou calquera outro medio co único fin de publicitar e dar relevancia o evento.

Os participantes poderán exercer os seus dereitos de acceso, rectificación, cancelación e oposición ao tratamento, de conformidade co establecido na lexislación vixente, dirixíndose por escrito ao Sr. Alcalde do Concello de Brión, entidade responsable dos ficheiros, no seguinte enderezo: Praza do Concello nº 1, 15865 Brión (A Coruña).

UNDÉCIMA:

Toda persoa, parella, grupo, comparsa e participante en xeral que non acate as normas aquí expostas ou as dadas pola organización poderá ser descalificada e perderá o dereito a optar a calquera premio.

DUODÉCIMA:

O feito de participar no concurso implica o coñecemento e aceptación das seguintes bases, polo que non poderán impugnarse unha vez formalizada a inscrición.

RESOLVO:

Primeiro.- Aprobar as bases presentadas.

Segundo.- Aprobar o gasto correspondente con cargo á aplicación 334.481.00 do orzamento prorrogado por importe de 2.750,00 euros, onde existe crédito retido para este fin.

Terceiro.- Publicar as bases na páxina web para xeral coñecemento.

Cuarto.- Facultar ao Departamento de Cultura do Concello para a xestión deste acordo.